

Fwen Duetgungz

□ Cinz Genmouz / 覃建谋

Sai:
Nanz ndi ’ndaej bae haw,
Okdou raen hoengzva,
Nanz ndi ’ndaej raennaj,
Bae guhmaz li nuengx.

Mbwk:
Ngoenzlwenz ndaem duhnamh,
Haetneix ndaem lwgmaenz,
Sam nyied hawfen daengz,
Naenq mwngz daeuj guh fwen.

Sai:
Sam haet youh bungz haw,
Mwngz guhyawz mbouj daeuj,
Gwnz haw vunz lai raeuh,
Yawz ndi daeuj guh fwen.

Mbwk:
Gofaex youq bangxgemh,
Mbaw seng vih rumzraq,
Doenghbaez fouz buhvaq,
Mbouj miz naj ok haw.

Sai:
Doenghbaez gou hix hoj,
Nanz mbouj rox bae haw,
Seizneix ndaej baenz ndei,
Bae haw guh fwen angq.

Mbwk:
Dangj banggunz roengzma,
Byadah bienq gimlungz,
Seizneix raeuz duetgungz,
Daeuj doxbungz guh fwen.

Sai:
Dangj banggunz daeuj daengz,
Lienz duzgaeng hix fouq,
Gaeqmeh riengz gaeqboux,
Duzduz rouj hoengz caez.

Mbwk:
Banggunz daengz noengzgya,
Lienz mou ma hix eiq,
Banggunz saedcaih ndei,
Ciengx gaeq bienq funghvuengz.

Sai:
Dangj hawj raeuz beixnuengx,
Daigvanj ciengx cwz yiengz,
Hozcozse cien guenj,
Caux cienz lae baenz mboq.

Mbwk:
Ciengx cwz vaiz bae gai,
Ndaej ngaenz lai faenhoengz,
Gwnz bya ciengx gaenglingz,
Cienz baenzgyoengq haeujma.

Sai:
Gohyoz ndaem nazreih,
Byaleix ciengx ndaw naz,
Sou haeux youh ndaej bya,
Rinsa bienq gimngaenz.

Mbwk:
Gvaqbae sinhoj lai,
Gwn byaekngaih ciengx mingh,
Seizneix raeuz duetbinz(gungz),
Gwn nohcng hix ganx.

Sai:
Seizneix duetgungz gvaq,
Cancan bya riengz noh,
Buh vaq haiz cienz moq,
Byaijloh doengz mbaj mbin.

Mbwk:
Gaxgonq runghbya youq,
Okdou aeu bin dat,
Lumj duznou duzsap,
Raih cag gvaq bangxcienz.

Sai:
Dangj banggunz roengzma,
Bag bya hai fouqloh,
Vih raeuz mbouj caiq hoj,
Son raeuz doq gimgiuz.

Mbwk:
Heiqci daengz bakdou,
Lienz duzmou hix angq,
Bae haw naeuz bae mbanj,
Daenj haizmad naengh ci.

Sai:
Ndaw mbanj doeng gauhdez,
Bouxgeq eiq baeyouz,
Gyanghaet youq Gvangjcouh,
Haemh Hangzcouh sailaeuj.

Mbwk:
Seizneix raeuz runghbya,
Ranzhaz bienq ranzlaeuz,
Saenzsien gyaez daeuj youz,
Haenh ranz raeuz cei q ndei.

Sai:
Gyounhnanz ndi roengz fwn,
Ra raemx gwn ndi meiz(miz),
Haeuxyangz dai ndaw reih,
Gaeng dai vei(vih) hozhat.

Mbwk:
Seizneix raeuz runghbya,
Raemx gag ma daengz ranz,
Raemx leix van gvaq dangz,
Rengx nanz naz ndi hawq.

Sai:
Dangj banggunz daeklig,
Vunzgik bienq vunzgaenz,
Bouxhuk daenj coengmingz,
Bouxgungz cienz baenzfouq.

Mbwk:
Doenghbaez vunzgaujvaq,
Mbouj bae vaqhaeux gwn,
Hix mbouj bae gai fwnz,
Conhmnz(cienmonz) dang lauxbanj.

Sai:
Doenghbaez goenggaidanq,
Ndi haeuj ndoeng coemh danq,
Bae guhcaemz ma ranz,
Riengz lwglan sailaeuj.

Mbwk:
Gvaq giuz mbouj lumz dwngx,
Gwn raemx mbouj lumz cingj,
Dangj hawj raeuz duetgungz,
Raeuz mbouj lumz fanhdaih.

Gietsoq, vunzcuengnienz ndenq haj bak maenz hawj boux soungaenz, daxmeh Vangz Meijyen doeksat naeuz: “Rox gwn bae gauhneix lai ngaenz, mbouj hwnjdaej gwn sueng lo, hawj lauxbanj hai bae baenzlai ngaenz, gou mboujeiqseiq lo.”

Vunzcuengnienz daihfueg dwk naeuz: “Neix dwg aen bouqhaeux Nanzningz cei mizmingz, vihliux hawj song dah lwgnyez dwgcoh raen di seiqmienh, daej!”

(Ngeihcib It)

Heiqci song diemj buenq cung couh daengz ranz, song dah lwgnyez hemq naeuz: “Daengz ranz lo!” “Dauqdaej daengz ranz lo!”

Lauxdoengz

□ Moz Lijginz / 磨礼勤

Vunzcuengnienz roengz ci, yawjraen, gogo faexhung dingj mbwn laeb deih, humx gvaq gvangcangz iq humx gvaq ranczienhuj, de doenghsim naeuz: “Lajmbanj gingjsaek ndei raixcaix!”

Vangz Meijyen cam: “Lauxau, caengz daengz diegbya dou, mwngz ngah makbug mbouj, dou bae daet geij aen hawj mwngz.”

Liuz Fanghfangh haeuj ranz aeu daeh, Vangz Meijyen benz hwnj faex daet makbug vit roengzdaej hawj Liuz Fanghfangh ciep aeu, cang haeuj daehnaengngwz bae ndaej byongh daeh, riuj daengz baihnaj vunzcuengnienz, naeuz: “Makbug ce nanz le youh gam youh diemz.”

Vunzcuengnienz angq naeuz: “Huqdoj?” Daxmeh Vangz Meijyen naeuz: “Gou gaeb song duz gaeq hawj mwngz dawz baema.” Gangj sat, haeuj ranz aeu di haeuxgok daeuj vanq gwnz namh, geij cib duz gaeq buet humx gvaqdaej ciengj gwn, de dawz aen camj ndeu roemj roengzbae, ndaej seiq duz. Genj sam duz gaeq hung cang haeuj raepgaeq bae. Vangz Meijyen cam: “Lauxau, mwngz gyaez gwn sawzbnw caeuq sawzfaenz lwi, gou cang daeh ndeu hawj mwngz.”

Vunzcuengnienz doeksat naeuz: “Soengq baenzlai ha?” Daxmeh Vangz Meijyen naeuz: “Haeuxlaeng ndei gwn, gou cang seiqcib gaen

hawj mwngz.”

Vunzcuengnienz miz di mbouj-eiqseiq, Liuz Fanghfangh naeuz: “Lauxau, bimoq mwngz bae ranz gou, gou hix soengq haujlai doxgaiq hawj mwngz, laeng gou ciengx miz hanq hung.”

(Ngeihcib Ngeih)

Cinz lauxbanj heuh Vangz Gencingh bae ranzbanhgoeng gietsoq. Ndaw ranzbanhgoeng gwnz sahfaez caeuq Cinz lauxbanj bingzbaiz naengh dwg Laujuj. Vangz Gencingh miz di suksouj, Laujuj doq raix cenj caz ndat ndeu ndenq hawj de. Vangz Gencingh miz di launyaeng, Cinz lauxbanj riunyum-nyum heuh naengh roengzdaej. Gwn caz le, Cinz lauxbanj unqswnh dwk naeuz: “Vangz saefouh, suenqsuenq song doengh laeuz cawx bae geijlai bau hoi deng geijlai ngaenz?” (32)

